

Գրիգոր կաթողիկոսովն»*: Մեծոփեցին ինքն էլ իւր Յիշատակաւրանի մէջ, մի քանի ձեռագիրների համեմատ**, յայտնում է. «Եւ ամ մի իւրման ի դուռն սուրբ էջմիածնին դեգերեցայ աշակերտօք և վարդապետօք (ոմանք «աշակերտք՝ և վարդապետք») և վասն սասցեալ պատճառացս թողի և փախեայ»: Այս խօսքերից պարզ է, որ Թովման երկու անգամ է եղել էջմիածնում, մի տարի Կիրակոսի ընտրութիւնից անմիջապէս յետոյ, և ապա Կիրակոսի անկման ամիսներից մինչև Գրիգոր Մակուհցու առաջին ամիսները: Կիրակոսի ընտրութիւնը կատարուեցաւ ՊՂ թուականի զարնանը, Հոգեգալստեան տօնից առաջ և տեկց երկու տարի: (ՊՂ թուի մարտին կաթողիկոսը դեռ ևս Գրիգոր Մուսաբէգեանն էր)**: ՊՂ թուի զարնանը պէտք է սկսուած լինի ապստամբական շարժումը Կիրակոսի դէմ. գուցէ և հէնց այդ առթիւ Թովման էջմիածին էր եկել երկրորդ անգամ, թէև նա հեռացել էր կաթողիկոսի «կամապաշտութեան» և շրջապատողների «ազահութեան և գողութեան» պատճառով: Յամենայն դէպս նա ներկայ էր, ինչպէս տեսանք, Կիրակոսի դէմ կատարուած դատավարութեան ժամանակ:

Թովմայի Մեծոփայ վանքը վերադարձի մասին անմիջական տեղեկութիւն չունինք. բայց ՊՂ թուականի սկզբներին պէտք է արդէն էջմիածնից հեռացած լինէր: Մենք բառի իսկական նշանակութեամբ իրական չենք համարում Թովմայի միտարի մնալու լուրը Գրիգոր Մակուհցու օրով, որովհետև վերջինս էլ համարւում է Թովմայի աչքում իբրև մեղսակից Կիրակոսի աքտորման†: ՊՂ (—1445) թուականից ունինք Մանկասարի որդի Յովհաննէս գրչի երկու յիշատակարան Թովմայի անուան յիշատակութեամբ՝ Մեծոփայ վանքում††: Եւրամահը հանդիպեցաւ ՊՂ (1446) թուի, մայսի 15-ին, Մասեաց ստորոտի Արկուռի գիւղում, երևի քաղաքութեան գուրս եկած ժամանակ, ինչպէս սովորութիւն ունէր երբեմն†††: Թովմայի եղբայր Գաւրգի մեղիք և աշակերտները մարմինը փոխադրեցին Մեծոփայ վանքը և թաղեցին նոյն վանքի նշանաւոր վարդապետների,

* Նոր Նիւթեր. Ար. 748. (11).

** Կոստանեանց. 88: № 1712/1774. 276ա: № 1706/1769. 425ա: № 1697/1799. 454ա: № 1705/1768. 540բ:

*** Կոստանեանց. 75. Կիրակոս Բանասէր Ար. 743. (11): Նօտարր 125. 124. 128. 129. 451/2.

† Կոստանեանց. 79.

†† Նօտարր 147/8. եւ մեր ժողովածուն. Զմիւռնիացի Սիմէօն Էֆենդի Տ. Գառնիկեանի աւետարանից:

††† Կիրակոս Բանասէր. Ար. 748—749. Համ. Ար. 757. (41/12. 20):